


1. LIČNI PODACI

	a. IME I PREZIME Vedad Šabanadžović
	d. E-MAIL ADRESA vedad.sabanadzovic@desetaosnovna.edu.ba
	e. ZVANJE Diplomirani bibliotekar i diplomirani komparativist

2. RADNO MJESTO

a. Naziv ustanove:	JU „Deseta osnovna škola“ Ilidža
b. Adresa:	210 Osik
c. Telefon:	033/564-540
d. Posao koji obavljate:	Bibliotekar škole
e. Razred ili uzrast djece sa kojom radite:	Sekcija za strip, animaciju i film prima učenike od V-IX razreda
f. Godine staža:	11

3. MOJA PEDAGOŠKA UVJERENJA

Svi učesnici u odgoju i obrazovanju trebaju omogućiti učenicima lakše sticanje znanja i kretanja u svijetu oko nas. Klasična školska biblioteka koja služi samo za posuđivanje građe je prošlost. Školske biblioteke postaju okruženje koje stvara aktivnog pojedinca koji pronalazi, vrednuje i koristi informacije, pri tome je uloga bibliotekara kao stručnog saradnika (u nastavi i van nje) da bude moderator, neko ko će usmjeravati i uticati na kreativno razmišljanje učenika da osavremene proces učenja, unaprijeđenje vještina. Biblioteka sve više postaje metodičko središte svake škole, mjesto za vježbanje timskog rada i međupredmetnog povezivanja u kojem učenici utažuju svoju žeđ za znanjem koristeći se novim tehnologijama. Bibliotekar koristi sve resurse koje ima na raspolaganju da stvori takvo okruženje.

4. INOVATIVNA PRAKSA

NASLOV/NAZIV:	SEKCIJA ZA STRIP, ANIMACIJU I FILM
KRATAK OPIS PRAKSE (do 200 riječi - jedan paragraf):	Sekcija za strip, animaciju i film je otvorena za sve učenike koji vole strip i crtane filmove i žele da ih crtaju, odnosno učestvuju u stvaranju. Sekcija promovira aktivno učenje, učenje otkrivanjem i učenje stvaranjem. Učenici se ohrabruju da slobodno istražuju u





FORMULAR ZA PRIJAVU /NAGRADA ZA INOVATIVNE NASTAVNIKE/CE 2020.

	okviru zadatih struktura. Voditelj sekcije pri tome služi kao moderator, neko ko usmjerava učenike, potiče njihovu radoznalost, ohrabruje da učine nešto novo, da pomjere granice, fizičke i spoznajne.
KATEGORIJA (Molim Vas da označite odgovarajuću kategoriju)	<p>Kategorija 5 - Stručni saradnici/ce na svim nivoima odgoja i obrazovanja</p> <p>Top of Form</p> <hr/> <p>Bottom of Form</p>

DETALJAN OPIS:

POLAZIŠTA (*Šta je prethodilo opisanoj praksi; kako je i zašto došlo do primjene opisane prakse?*)

Tokom mojeg rada u našem sistemu obrazovanja kao bibliotekar sam često imao priliku da mijenjam (iz raznih razloga) nastavnike svih profila u nastavi. Koristeći različite sadržaje na časovima, utvrdio sam da djeca najbolje reaguju na likovne sadržaje, stripove pogotovo.

U našem obrazovnom sistemu stripovi se još uvijek koriste stidljivo, skoro nikako, iako je njihova korist višestruka, jer je dokazano da učenici mnogo brže usvajaju znanja i vještine i da im je takva forma izražavanja bliža od udžbenika.

Strip sekcija JU "Deseta osnovna škola" Ilidža postoji od školske 2013/14. god. Od 2015/2016. god. ,kada smo uradili prvi crtani film "Gladna bajka", sekcija je preimenovana u „Sekcija za strip i animaciju“. Od tada, osim radionica stripa, počinjemo na godišnjoj bazi raditi i na radionicama animacije. Pred samu epidemiju imali smo dogovorene radionice u nekoliko škola u Kantonu Sarajevo.

Od školske 2017/2018. godine sekcija svoje interesovanje počinje da širi i na druge oblike vizualnih umjetnosti, pa tako učestvuje u tehničkoj realizaciji dokumentarnog filma „Našim drumom ka Ilidži“. Otuda novi, prošireni naziv „Sekcija za strip, animaciju i film“ koji otkriva nova polja interesovanja sekcije. U šk.20/21. godini sekcija konačno snima svoj prvi igrani film "Povratak na Zemlju."

CILJ I ŽELJENI ISHODI (*sa kakvim ciljem ste realizovali navedenu praksu; šta ste željeli postići*)

Cilj: Podizanje nivoa znanja , mašte, sposobnosti i motivisanosti svih sudionika odgojno-obrazovnog rada. Doprinos bržem, lakšem i zabavnijem načinu usvajanja znanja učenika osnovne škole.

Lakši rad sa djecom sa posebnim potrebama, djece sa poremećenom pažnjom,... Kroz timski rad kod sve djece se stvara osjećaj pripadanja, svi postaju nezamjenjive karike u nastajanju jednog crtanog filma.

Specifični cilj: Napraviti barem jedan (crtani) film godišnje.

Ishodi:

Učenici lakše usvajaju znanja kroz aktivno učenje i nove inovativne ideje, više su angažovani na časovima.

Djeca s posebnim potrebama, djeca sa poremećajem pažnje-lakše usvajaju znanja.

Učenici pokazuju veću kreativnost, znatiželju i maštovitost – osposobljeni su da uče samostalno, ali i u saradnji sa ostalima. Učenje je proizvod istraživanja i vlastog angažovanja, praćeno entuzijazmom, gotovo euforijom i zadovoljstvom, a informacije i vještine ostaju trajno usvojene. Sve se doima lako, pa se sve više učenika uključuje u aktivnosti, prevazilazeći početni animozitet prema vannastavnim aktivnostima i primjetnu sveopću društvenu ravnodušnost.

DETALJAN OPIS REALIZACIJE (*Opis postupaka i koraka u realizaciji. U tekstu naznačite naziv i broj priloga koji se odnosi na taj segment/fazu realizacije.*)

Počelo je sa stripom...



Kroz sekciju je za ovih 6-7 godina prošlo tridesetak učenika. Svake godine članovi sekcije od svojih radova priređuju tri do četiri izložbe u biblioteci JU "Deseta osnovna škola", održavaju se video projekcije za učenike tokom cijele godine, redovno obilježavamo Nacionalni dan svjesnosti o bibliotekama i Svjetski dan animiranog filma (28. oktobar, kada u goste obično pozivamo učenike iz drugih škola, koji onda učestvuju u radionici), a bilježimo i mnoge druge aktivnosti, kao što su izleti, posjete raznim (relevantnim) institucijama, humanitarne akcije u kojima prodajemo svoje kreacije (stripove, ilustracije, razglednice sa strip motivima, CD-ove sa našim filmovima...) itd.

Članovi sekcije su učestvovali na mnogim konkursima za strip, animirani film, na radionicama, festivalima. Naročito treba spomenuti Internacionalne festivale u Švicarskoj (Fumetto - Luzern), Finskoj (16. International children art exhibition - Hyvinkaa), Hrvatskoj (Stripos - Osijek) i Srbiji (Balkanska smotra mladih strip umjetnika – Leskovac), zatim održane radionice stripa sa eminentnim bosanskim strip crtačima (Filip Andronik, Senad Mavrić). Na radionicama se uči kako nastaje strip, od priče preko scenarija, skice do crteža. Za učenika je bitno da ima smisla ili za priču ili za crtež. Osim stripa rade se i ilustracije i karikature, već prema afinitetu.

Radovi sekcije su objavljivani u časopisima za djecu: 5plus-u, Malim novinama, Eukids-u.

Crtani film i radionice animacije

Za crtani film „Gladna bajka“ (2016) godine su osvojili su prvo mjesto (Zlatni točak tehnike) na općinskom (Ilidža), kantonalnom (Sarajevo) i državnom (Travnik) takmičenju. Sa istim crtanim filmom je osvojeno i prvo mjesto (4.12.2016) XVIII Festivala za djecu i omladinu Zenica 2016, a sa animiranim filmom „Bajka o kralju pacova“ drugo mjesto XIX Festivala za djecu i omladinu Zenica 2017 (9.12.2017.).

(<https://radiosarajevo.ba/metromahala/kultura/animirani-film-gladna-bajka-sarajevskih-ucenika-osvaja-nagrade/247260>)

Animirani ili crtani film je vid filmske umjetnosti. Animacija je tehnika kojom nastaju animirani, odnosno crtani filmovi, stvaranjem iluzije kretanja nizanjem sličica od kojih je svaka za nijansu drugačija. Da bi se snimila jedna sekunda animiranog filma potrebno je 24 crteža.

Sekcija za strip, animaciju i film je do sad, u svom kratkom postojanju snimila četiri animirana filma (trenutno radi na petom), svi filmovi urađeni **stop motion** tehnikom, što podrazumijeva tehniku fotografiranja kadar po kadar, s tim što su prva tri urađena takozvanom izreznom („cut out“) varijantom, a posljednji urađeni, animirani film „**Let iznad Bosne i Hercegovine**“ sa trodimenzionalnim likovima i maketama, urađenim od gline i/ili plastelina (trailer u prilogu).

Idemo dalje...

Rad na animiranom filmu donosi nagrade i pojačan interes okoline za sekciju. Nakon prvih crtanih filmova počinjemo sa radionicama animacije, uglavnom za mlađe učenike (obično V razred). Radionica obično traje dva školska časa; prvi čas crtamo i bojimo, drugi čas snimamo. Obično uspijemo uraditi do 3 animacije. Jedan primjer ćete naći u prilogu (**Animacije V-2**).

Kao što smo već napomenuli, od školske 2017/2018. godine sekcija svoje interesovanje počinje da širi i na druge oblike vizualnih umjetnosti, pa tako učestvuje u tehničkoj realizaciji dokumentarnog filma „Našim drumom ka Ilidži“. Otuda novi, prošireni naziv „Sekcija za strip, animaciju i film“ u školskoj 2018/19. godini, kada osim animiranog filma „Pričam ti priču“, urađen i muzički spot (poluanimiran) za pjesmu "Četiri godišnja doba" (S. Agić-muzika) autorski rad naših učenika, koji je osvojio 1. mjesto na 20. Festivalu filma djece i omladine „Zenica 2018“. Što se tiče stripa, učenici se mogu pohvaliti sa redovnim učešćem na prestižnoj "Balkanskoj smotri mladih strip autora" (Leskovac). (**slike u prilogu**)

Kao što ste imali priliku pročitati sekcija je od svog skromnog nastanka sve više i više širila svoj obim djelovanja, pa je, iako je vrijeme pandemije, a školska 2020/21. nije još došla ni do polovine - već smo snimili animirani film, spot i naš prvi igrani film, gdje su se naši učenici okušali i u glumi.



EFEKTI; POSTIGNUTI REZULTATI (Koje ste rezultate postigli? Kako to znate i čime možete potkrijepiti?)

Sekcija za strip, animaciju i film je samo u školskoj **2019/20**.godini postigla sljedeće rezultate:

1. IZLOŽBE, PROJEKCIJE, DOGAĐAJI, NAGRADE

-Dani europskog naslijeđa 2019 - natječaj „Umjetnost i zabava“ Široki Brijeg, Posušje, Grude, Ljubuški **2. i 3. oktobra/listopada 2019**. Na natječaju je sudjelovalo 129 osnovnih i srednjih škola iz Federacije BiH sa preko 500 učeničkih radova. Sekcija za strip, animaciju i film JU "Deseta osnovna škola" je na natječaju osvojila prvo mjesto sa crtanim filmom "Let iznad Bosne i Hercegovine", rad mladih autora VIII razreda Admira Bibića, Iman Mekić i Vahdeta Ibrahimovića. Učenici su, zajedno sa mentorom posjetili ovu manifestaciju. Presentacija nagrađenih video radova programa "Mladi i naslijeđe 2019" je održana 03.10.2019 u 18:00h u Gimnaziji Ljubuški, gdje je crtani film naših učenika dobio najveći aplauz i osvojio simpatije prisutnih. Time je zaključena manifestacija "Dani europskog naslijeđa 2019".

-25.10.2019. - Svečano obilježavanje Nacionalnog dana svjesnosti o bibliotekama u BiH 2019- izložba i projekcija video sadržaja (novi crtani film "Let iznad Bosne i Hercegovine") sekcije za strip, animaciju i film, promocija strip albuma "Nacrtaj mi Sarajevo" Sabita Agića, radionica animacije i stripa, dodjela diploma i zahvalnica (Nakon zadnje (popodneve) projekcije, kao dio svečanosti na uručene su diplome i zahvalnice učenicima za učešće na festivalima i manifestacijama "Balkanska smotra mladih strip autora" (Leskovac) i "Dani europskog naslijeđa 2019 – Mladi i zabava" (Grude). Mali kuriozitet: uoči Nacionalnog dana svjesnosti o bibliotekama stigla nam je zahvalnica Narodne biblioteke "Radoje Domanović" iz Leskovca za saradnju tokom dječije nedjelje, tako da je to uveličalo i upotpunilo našu malu svečanost.)

-29.10.2019. - Povodom Svjetskog dana animiranog filma u posjeti našoj školi su bili učenici Osme osnovne škole "Amer Čenanović" koji su prisustvovali izložbi i projekciji video sadržaja (novi crtani film "Let iznad Bosne i Hercegovine" i stari crtani film u novom ruhu „Pričam ti priču“) sekcije za strip, animaciju i film, radionici animacije, tom prilikom su uručene zahvalnice gostima.

-22.11.2019. - 5. HADŽIĆI FILM FESTIVAL - promocija kratkometražnog omladinskog filma U organizaciji Srednjoškolskog centra Hadžići i Filmsko-scenarističke sekcije "MOVIE CLUB", a pod pokroviteljstvom Općine Hadžići, 22. 11. 2019. godine, u Multimedijalnoj sali Općine Hadžići održan je 5. HADŽIĆI FILM FESTIVAL. Prva skupina - osnovci, kategorija - eksperimentalni sa animiranim filmom i spotom Prvo mjesto je osvojio spot naše sekcije za strip, animaciju i film „ČETIRI GODIŠNJA DOBA“, autori Adna Madeško, Alma Čorbo i Bajro Salčin.

-29.11.2019. - posjeta direktoru Desete povodom uspjeha sekcije, **mini izložba povodom Dan državnosti**

(Mini izložba povodom Dan državnosti, postavljena 26.11.2019.) U časopisu **5plus** (decembarски broj) objavljeni radovi i članak o sekciji. Tim povodom smo otišli u posjetu direktoru Desete osnovne škole, prof. Refiku Daciću, kome smo uručili trofej sa 5. HADŽIĆI FILM FESTIVAL-a i upoznali sa spomenutim člankom i dosadašnjim radom.

-14.12.2019. – Festival filma djece i omladine "Zenica 2019" - u prostorijama Muzeja grada Zenice od 12-14.12.2019. održan je 21. FESTIVAL FILMA DJECE I OMLADINE „ZENICA 2019“. u organizaciji Udruženja tehničke kulture ZDK, a pod pokroviteljstvom Grada Zenice i Ministarstva obrazovanja, nauke, kulture i sporta ZDK. Festival je zatvoren u subotu, 14.12.2019. godine proglašenjem najboljih filmova za proteklu godinu. U kategoriji crtani film nagradu je osvojio "Let iznad Bosne i Hercegovine", rad mladih autora (VIII-2 razred) naše sekcije za strip, animaciju i film JU "Desete osnovne škole" Iliđza Admira Bibića, Iman Mekić i Vahdeta Ibrahimovića.

-30.12.2019. –DAN OTVORENIH VRATA u našoj školi realiziran je u ponedjeljak, 30.12. nizom aktivnosti. U biblioteci JU "Deseta osnovna škola" Iliđza, je na programu bila prezentacija školskog časopisa "Deseterac" i projekcija nagrađenih crtanih filmova sekcije za strip, animaciju i film kao i mini izložba sekcije.



-23.04.2020. - Izložba sa povodom - Međunarodni dan i noć knjige i autorskih prava. U organizaciji Asocijacije informacijskih stručnjaka – bibliotekara, arhivista i muzeologa (BAM) i Društva bibliotekara Federacije Bosne i Hercegovine, okupio se veliki broj institucija kulture (biblioteka i muzeja), koje nude zajednički program kojim obilježavaju UNESCO-ov međunarodni „Dan noć knjige i autorskih prava“. Ove godine sa temom „Sa knjigom oko svijeta“ kojom se daje poticaj kulturi čitanja, potaknuti razgovor o književnosti i svemu onome što ona predstavlja kao dio tradicije i savremenog društva. U ovogodišnji (5.) Međunarodni dan i noć knjige i autorskih prava koji se obilježava u virtualnom svijetu uključena je i naša biblioteka... Naime, u biblioteci Desete osnovne škole Ilidža 23.04.2020. se održala Virtualna retrospektivna izložba sekcije za strip, animaciju i film, sa početkom 12:15h.

Linkovi:

<https://www.facebook.com/Me%C4%91unardni-dan-i-no%C4%87-knjige-i-autorskih-prava-238515849834606/>

<https://desetaosnovna.edu.ba/index.php/2019/08/18/aktivnosti/>

<http://bibliotekadesete.blogger.ba/arhiva/2019/11/29/4184176>

<http://bibliotekadesete.blogger.ba/arhiva/2019/11/26/4183706>

<https://desetaosnovna.edu.ba/index.php/2019/08/18/najkreativac/>

2. PUBLIKACIJE U KOJIMA SU OBJAVLJENI RADOVI SEKCIJE ZA STRIP, ANIMACIJU I FILM

- 1.) „Deseterac“ – časopis JU „Deseta osnovna škola“ Ilidža
- 2.) “Balkanska smotra mladih strip autora” (Leskovac) – katalog manifestacije
- 3.) Dječiji časopis 5 plus; <http://bibliotekadesete.blogger.ba/arhiva/2019/11/29/4184176>
- 4.) "Naši oblačići" udruženja COI Step by Step
<https://online.fliphtml5.com/nwxm/sagf/?fbclid=IwAR3PQO7koz09kGG2XaK5dIIN4gyVbGeyizZyN6LWb5hEonXFk-OXgIWKnw>
- 5.) Male Novine, link: (https://issuu.com/djecijastampa/docs/mn_10_juni_issuu)

SUMMA SUMMARUM

U periodu od 2014-2020. kroz sekciju je prošlo više od 30 učenika. Sekcija za strip, animaciju i film je organizovala/gostovala na desetine izložbi, radionica, napravila na stotine stripova i drugih likovnih radova koji su bili objavljeni i zapaženi kod nas i u svijetu (Hrvatska, Srbija, Švicarska, Finska...), ali ono čime se najviše ponosimo to su naši video radovi tj. filmovi, naime do sada ih je urađeno 10, i to:

- 5 animiranih filmova (koji su ukupno osvojili 7 nagrada, 6 prvih i jedno drugo mjesto na festivalima u BiH),
- 2 spota (1 poluanimiran, osvojio 2 prve nagrade),
- 1 dokumentarni film (urađen za potrebe promocije škole, ali i šireg područja Ilidže),
- 1 eksperimentalni film.
- 1 igrani film.



Dodatni komentari i sugestije drugim nastavnicima koji bi željeli implementirati vašu ideju

Upornost i vjera u sopstvene snage su osnovni element svakog uspjeha.

Da bi implementirali moju ideju potrebno je da imaju malo mašte i nekoliko učenika koji ne moraju nužno biti talentovani koliko (kako smo već naveli) uporni. Sve se može naučiti. Pomaže ako imate sopstveni prostor u školi bilo da je učionica, kancelarija, biblioteka itd. ☺

